

ሆኖ
የሚገኝበት



Bookmark

Scott Galloway

THE FOUR

The Hidden DNA of
Amazon, Apple, Facebook, and Google

BOOKMARK

Սքոթ Գալուեյ

ՄԵԾ ՔՎՈՅԿԿԸ

Amazon, Apple, Facebook, Google
ընկերությունների թաքնված ԴՆԹ-ն

Թարգմանությունն անգլերենից՝
Լիանա Հաքարյանի



ԵՐԵՎԱՆ
2022

ՀՏԴ 658
ԳՄԴ 65.29
Գ 211

Գալուեյ Սքոթ
Գ 211 Մեծ քառյակը: Amazon, Apple, Facebook, Google ընկերությունների
թաքնված ԴՆԹ-ն / Ս. Գալուեյ.- եր.: Newmag, 2022.- 428 էջ:

Amazon-ը, Apple-ը, Facebook-ը և Google-ը մոլորակի չորս ամենաազդեցիկ ընկերություններն են: Գրեթե բոլորը վստահ են, որ տեսել են այս ընկերությունների անցած ճանապարհը կամ առնվազն գիտեն, թե դրանք ինչպես են հասել բիզնես Օլիմպոս: Իրականում գրեթե բոլորն էլ սխալվում են:

Այս 4 հսկաների մասին վերջին երկու տասնամյակում պատմել ու գրել են շատերը, բայց Սքոթ Գալուեյի ձեռագիրը բոլորից տարբերվում է: Այս ընկերությունների գեներացրած առասպելներին տրվելու փոխարեն՝ Գալուեյն իր գրքում կարևորագույն հարցեր է տալիս: Աշխարհին հայտնի բիզնես պրոֆեսորը քննդում է Մեծ քառյակի բազմաշերտ ռազմավարությունների կծիկը և բացահայտում այն, ինչ թաքնված է հաջողության քողի տակ: Նա ցույց է տալիս, որ այս չորս հսկաները մարդկանց հուզական ընկալումները շահագործում են այնպիսի արագությամբ և ծավալով, որը հասու չէ մյուսներին: Հեղինակը նաև թվարկում է նրանց տված արժեքավոր դասերը, որոնք ուրիշները կարող են կիրառել իրենց սեփական բիզնեսում կամ կարիերայում:

ՀՏԴ 658
ԳՄԴ 65.29

Գրքի գլխավոր գործընկեր՝
ԴԻՋԻԹԵՅՆ ԸՆԿԵՐՈՒԹՅՈՒՆ
digitain.com



ISBN 978-9939-884-75-2

Սքոթ Գալուեյ «Մեծ քառյակը» © 2022, «Նյու Մեգ» ՍՊԸ

Copyright © 2017 by Scott Galloway

Այս գրքի հայերեն թարգմանության և հրատարակության իրավունքները պատկանում են «Նյու Մեգ» ՍՊԸ-ին: Թարգմանությունն իրականացվել է Levine Greenberg Rostan գրական գործակալության հետ կնքված պայմանագրով:

Բովանդակություն

Գլուխ 1	Մեծ քառյակ	9
Գլուխ 2	Amazon	27
Գլուխ 3	Apple.....	101
Գլուխ 4	Facebook.....	149
Գլուխ 5	Google	193
Գլուխ 6	Խաբիր ինձ	237
Գլուխ 7	Բիզնեսն ու մարմինը	255
Գլուխ 8	T ալգորիթմը.....	275
Գլուխ 9	Հի՞նգերորդ հավակնորդը	307
Գլուխ 10	Մեծ քառյակը և դուք.....	345
Գլուխ 11	Մեծ քառյակից հետո.....	395
	Ծանոթագրություններ.....	401

Նովանին և Ալեքին

Նայում եմ վեր, փեսնում աստղեր,
ու գլխումս հարցեր են ծագում,
Նայում եմ վար, փեսնում որդիներիս
ու սրանում եմ պատասխաններն իմ հարցերի:

BOOKMARK

Գլուխ 1

Մեծ քառյակ

Վերջին 20 տարիների ընթացքում տեխնոլոգիական 4 հրականեր մարդկությանն ավելի մեծ բերկրանք են պարգևել, հաղորդակցման, նյութական բարեկեցության և հայտնագործությունների համար ավելի շատ հնարավորություններ են ընձեռել, քան մարդկության պատմության ընթացքում որևէ այլ կազմակերպություն: Apple-ը, Amazon-ը, Facebook-ը և Google-ը ստեղծել են բարձր վարձատրվող հարյուր հազարավոր աշխատատեղեր: Մեծ քառյակի ստեղծած տարատեսակ ապրանքներն ու մատուցած ծառայություններն այսօր միլիարդավոր մարդկանց առօրյա կյանքի անբաժան մասն են: Այս ընկերությունների շնորհիվ հնարավորություն ենք ստացել գրպանում սուպերհամակարգիչներ կրել, զարգացող երկրներում հայտնվել է համացանցը, մեր մոլորակի ցամաքային և ջրային տարածքները մանրակրկիտ քարտեզագրվել են: Քառյակն աննախադեպ հարստություն է ստեղծել (2.3 տրիլիոն դոլար), որի շնորհիվ միլիոնավոր ընտանիքներ կարողացել են բաժնետոմսերի շնորհիվ ապահովել իրենց ֆինանսական կայունությունը: Կարճ ասած՝ Մեծ քառյակը բարեփոխում է աշխարհը:

Այս ամենը ճշմարիտ է, և այս մեկնաբանությանը համաձայն են հազարավոր լրատվամիջոցներ և նորարար դասի ներկայացուցիչներ՝ համալսարանական կոլեկտիվներից, համաժողովների և խորհրդարանական լուսմների մասնակիցներից մինչև տնօրենների խորհուրդների անդամներ: Սակայն արժի նաև մեկ այլ տեսակետ քննարկել:

Չորս հեծյալները

Պատկերացրե՛ք ռիթեյլերի, որը հրաժարվում է հարկ վճարել, վատ է վարվում իր աշխատակիցների հետ, ոչնչացնում է հարյուր հազարավոր աշխատատեղեր և, այնուամենայնիվ, համարվում է նորարար բիզնեսի օրինակ:

Համակարգչային ընկերություն, որը պետական մարմիններից թաքցնում է երկրում ահաբեկչական գործողության նախապատրաստման մասին տեղեկությունը և վայելում է իրեն պաշտող երկրպագուների լիակատար աջակցությունը: Սոցիալական ցանց, որը վերլուծում է ձեր երեխաների հազարավոր նկարները, ձեր հեռախոսը վերածում է լսող սարքի և ստացած տեղեկությունը վաճառում Fortune 500 ցանկում ներառված ընկերություններին: Գովազդային հարթակ, որն առանձին շուկաներում վերահսկում է մեդիայի ամենաեկամտաբեր հատվածի 90 տոկոսը, սակայն հակամենաշնորհային օրենքներից խուսափում է ագրեսիվ դատավարությունների և լոբբիստների ջանքերի շնորհիվ:

Մեծ քառյակի մասին այսպիսի պատկերացում էլ կա, որը, սակայն, չի տարփողվում: Մենք գիտենք, որ այս ընկերություն-

Ներն անշահախնդիր չեն գործում, բայց նրանց վստահում ենք մեր ամենաթանկ գաղտնիքները: Նրանց պատրաստակամորեն պատմում ենք մեր կյանքի մասին՝ իմանալով, որ այդ տեղեկությունն օգտագործելու են՝ շահույթ ստանալու համար: Լրատվամիջոցներն այս ընկերությունների ղեկավարներին ներկայացնում են որպես հերոսների ու հանճարների, որոնց պետք է վստահել և ընդօրինակել: Կառավարությունը նրանց հանդեպ հատուկ վերաբերմունք է ցուցաբերում հակամենաշնորհային օրենքներով, հարկերով, նույնիսկ աշխատանքային օրենսդրությամբ: Ներդրողները բարձրացնում են բաժնետոմսերի գները, ինչը թույլ է տալիս կուտակել գրեթե անսահման կապիտալ, աշխատանքի ընդունել ամենատաղանդավոր մարդկանց կամ կործանել մրցակիցներին:

Ուրեմն, ովքե՞ր են նրանք. սիրո, հավատի, սեքսի և սպառումի հովանավորներ՞, թե՞ Հայտնության չորս հեծյալներ: Կարծում եմ՝ երկուսն էլ: Ես նրանց պարզապես կոչում եմ Մեծ քառյակ:

Այս ընկերություններն ինչպե՞ս են այդքան հզորացել: Շահույթ հետապնդող անշունչ կազմակերպություններն ինչպե՞ս են կարողացել այնքան խորը ներթափանցել մեր գիտակցության մեջ, որ պատրաստ ենք վերանայել ընկերությունների գոյությունն ու գործունեությունը որոշող կանոնները: Դրանց աննախադեպ ծավալներն ու հեղինակությունն ինչպե՞ս են ազդելու բիզնեսի և համաաշխարհային տնտեսության զարգացման վրա: Դրանք է՞լ են նախորդների պես իրենց տեղը զիջելու ավելի երիտասարդ և հեռանկարային մրցակիցներին, թե՞ այնքան հիմնովին են արմատավորվել, որ դրանց դեմ անգոր են բոլորը:

Այժմյան վիճակը

Ահա թե ինչպիսին է Մեծ քառյակի դրությունն այս գիրքը գրելու պահին:


Amazon

Porsche Panamera Turbo S մոդելի մեքենա կամ մեկ զույգ Louboutin կոշիկ գնելը հաճելի է, իսկ ատամի մածուկ և էկոլոգիապես մաքուր տակդիրներ՝ ոչ այնքան: ԱՄՆ-ում ամենապահանջված և աշխարհում օրեցօր ավելի մեծ ժողովրդականություն վայելող մանրածախ առևտրի առցանց հարթակը Amazon-ը, թեթևացնում է մեր կյանքը՝ օգնելով ձեռք բերել այն ապրանքները, որոնք պետք են գոյատևելու համար^{1,2}: Մեծ ջանքեր գործադրելու կարիք չկա: Էլ ի՞նչ որսորդություն, ի՞նչ հավաքչարարություն. պարզապես կոճակը սեղմիր, և վերջ: Ահա՛ Amazon-ի բանաձևը. աննախադեպ ներդրումներ «վերջին կմ» ենթակառուցվածքում*: Սա հնարավոր է դարձել, որովհետև առատաձեռն վարկատուները ներդրումներ են արել մանրածախ առևտրում: Նրանց աչքի առաջ է հյուսվել բիզնեսում ամենահուզիչ և միևնույն ժամանակ ամենապարզ պատմությունը՝ աշխարհի ամենամեծ խանութի ստեղծումը:

* «Վերջին կմ», համեմատաբար նոր տերմին է, թեև Արևմուտքում կիրառվում է մոտ 10 տարի: Խոսքը հեռահաղորդակցության օպտիկամանրաթելային ենթակառուցվածքների համատեղ օգտագործման մասին է: Ավելի ստույգ՝ հաճախորդից մինչև կապի մոտակա հանգույցը «վերջին կմ» տա-րածությունն է: (Բոլոր ծանոթագրությունները՝ newmag-ի):

Շուկայական կապիտալիզացիա

2017-ի ապրիլի 25-ի դրությամբ



Աղբյուրը՝ Yahoo! Finance. [https:// finance.yahoo.com/](https://finance.yahoo.com/)

Այս սյուիթն ծրագրվել է նույնքան մանրակրկիտ, որքան Նորմանդական օպերացիան** (այն տարբերությամբ, որ խաղասեղանին աշխարհի փրկությունը չէ, և հազիվ թե ականատես լինենք հերոսական մաքառումների ու զոհողության): Արդյունքը՝ խոշորագույն առցանց ռիթեյլեր, որն ավելի թանկ է, քան Walmart, Target, Macy's, Kroger, Nordstrom, Tiffany & Co., Coach, Williams-Sonoma, Tesco, Ikea, Carrefour և The Gap ընկերությունները՝ միասին³:

Այս գիրքը գրելու պահին Amazon-ի հիմնադիր Ջեֆ Բեզոսն աշխարհի ամենահարուստ մարդկանց ցուցակում զբաղեցնում է 3-րդ հորիզոնականը, սակայն շուտով կգլխավորի այն: Ոսկե և արծաթե մեդալակիրները՝ Բիլ Գեյթսը և Ուորեն Բաֆետը, նույնպես հիանալի բիզնեսներ ունեն: Մեկը զբաղվում

** Նորմանդական օպերացիա, Նորմանդական դեսանտային օպերացիա կամ ամերիկա-անգլիական զորքերի ափհանումը Նորմանդիայում Երկրորդ համաշխարհային պատերազմի ժամանակ (1944 թ-ի հունիսի 6): Գործողության նպատակը Եվրոպայում 2-րդ ճակատ բացելն էր, որը դաշնակիցներին թույլ կտար ջլատել նացիստական ուժերը և պարտության մատնել:

է ծրագրային ապահովմամբ, մյուսը՝ ապահովագրությամբ, բայց ի տարբերություն Amazon-ի՝ նրանց գլխավորած ընկերությունների բաժնետոմսերի գինն ամեն տարի 20 տոկոս չի բարձրանում⁴, և նրանք շուկայի բազմամիլիարդանոց հատվածները չեն գրավում մեկը մյուսի հետևից ու գրեթե առանց պայքարի⁵:

Apple

Apple-ի ապրանքանշանը, որը զարդարում է ամենացանկալի նոութբուքները և շարժական սարքերը, դարձել է հարըստության, կրթության և արևմտյան արժեքների համաշխարհային խորհրդանիշ: Apple-ը բավարարում է բնագրային երկու մղում. ավելի մոտ լինել աստծուն և գրավիչ լինել հակառակ սեռի համար: Ընկերությունն առաջարկում է կրոն հիշեցնող համոզմունքների համակարգ, որտեղ կա պատամունքի առարկա, փրկչի կերպար, կան մոլի հետևորդներ: «Միաբանության» մեջ են աշխարհի ամենանշանավոր մարդիկ, որոնք ի զորու են համաշխարհային մակարդակի նորարարություններ առաջարկել: Apple ընկերությունը բիզնեսում պարադոքսալ նպատակի է հասել. ցածր ինքնարժեքով ապրանքը վաճառել անհամեմատ բարձր գնով և դառնալ պատմության մեջ ամենաեկամտաբեր ընկերությունը⁶: Ավելի լավ հասկանալու համար պատկերացրե՛ք Ferrari-ի նման շահութաբեր ավտոընկերություն, որն ունի Toyota-ի արտադրության ծավալը: 2016-ի 4-րդ եռամսյակում⁷ Apple-ը գրանցել է կրկնակի մեծ զուտ շահույթ⁸, քան Amazon-ը՝ 23 տարում⁹: Apple-ի շրջանառու կապիտալը¹⁰ գրեթե հավասար է Դանիայի ՀՆԱ-ին¹¹:

Facebook

Այս սոցիալական ցանցը տարածմամբ և օգտատերերի քանակով մարդկության պատմության մեջ ամենահաջողված նախաձեռնությունն է: Երկիր մոլորակի 7.5 միլիարդ բնակիչներից¹² 1.2 միլիարդն ամեն օր մտնում է Facebook¹³: ԱՄՆ-ում ամենահայտնի բջջային հավելվածների ցուցակը գլխավորում են Facebook-ը և Facebook Messenger-ը, Instagram-ը զբաղեցնում է 8-րդ հորիզոնականը¹⁴: Միջին օգտատերը սոցիալական այս հարթակում անցկացնում է օրը 50 րոպե¹⁵: Համացանցում անցկացրած ժամանակի 1/6-ը և բջջային հեռախոսի օգտագործման ժամանակի 1/5-ը բաժին է ընկնում Facebook-ին¹⁶:

Google

Google-ը ժամանակակից մարդու աստվածն է, գիտելիքի աղբյուրը, որին հայտնի են ամենամեծ գաղտնիքները: Այն մեզ ցույց է տալիս, թե որտեղ ենք և ուր պետք է գնանք՝ պատասխանելով ամեն տեսակ հարցերի՝ պարզից մինչև ամենաբարդը: Չկա որևէ այլ հաստատություն, որ վայելի նույնքան հարգանք ու վստահություն, որքան Google-ը: Որոնողական համակարգին ուղղված յուրաքանչյուր վեց հարցից մեկը եզակի է¹⁷: Ո՞ր բաբբին, քահանան, գիտնականը կամ մարզիչն ունեն այնքան հեղինակություն, որ նրանց ուղղեն այնպիսի հարցեր, որոնք նախկինում երբեք ու ոչ մեկին չեն տրվել: Ուրիշ ո՞վ կարող է աշխարհի տարբեր անկյուններում ապրող մարդկանց մղել անհայտը բացահայտելուն:

Google-ը, որն այսօր Alphabet հոլդինգի դուստր ընկերությունն է, 2016-ին ստացել է 20 միլիարդ դոլարի շահույթ,